

YONASI

Yá pò kú láε bee guu

Anabi pò wèεε à gí zíkεi yá pò Lua dilεεwa lápi a yá dàu a siuwεε. Yonasi lé bàale Luaε, áma i κεο. Yá pò kè lápi guu í kán̄gu, mé í yádadané maamaa.

Anabi Yonasi yākeao lé síanaεo booleke: Lua ye Isailiozi ntεεo, a ye bui z̄ilo pò aale aà yādaozie lo. Tó Lua gbέε gbà laai, mé aa aà yāmà aa nòselile síana, aà sou lo maà gɔɔpii à wétεamɔanέ bo a nòseu. Ɔme dúnia pɔpii dii ũ ado, atεsa ga ní wēnio d̄ɔu. Tó à s̄uuuké ní duunkenaɔ, ānabio suli tó à kené íio.

Bee gbεa Yonasi lá yā'iao ní yōao ní sea pò ānabi a κεο ɔwεε. Yá beeo pii a f̄o gbέε pò Lua z̄i d̄ané leε. Ale dadawεε ké Lua lí pākpa a ānabizi gɔɔ pò yá yàwà ge gɔɔ pò a ku adoo, ge baa tó àε bàaleè à ta z̄āz̄ā, asa Lua sou mà à εa yāε bee boolekeè lo: Lua ye gbépii, ili gbēε tēboo.

Yesu Yonasi yá sè à a gaa ní a vuoao yādàoné, ɔ à Ninivadeo nòselileca yá sè a nòselileca dàò gbέone (Matie 12.38-42).

Yonasi bàalea Diie

¹ Dii yā'ò Amitai* né Yonasiε à mè:

² Fεε gé mεεwia z̄ɔo Niniva, ní wiidɔmá, asa an vāikεa ma le.

³ Ɔ Yonasi bàalè Diie à mipè Taasisiwa. Ké à kà Zope, à gó'ilena è we, àε gé Taasisi. Ké à fiabò, à siu ní gbέε pò lé gé weo. Ale bàale Diie.

* 1:1 2Kia 14.25

4 Dii ían gbãa gbàe ísiau, ò zàa'ían pãsí fèlè ísiaa e gó'ílèna ye wíwii.

5 Vía gobɔnaɔ kù, baade lé wiile a diiwa, ò aa gópi asoɔ bòbò lé ká íu, gó e yáfúkù. Yonasi sò à pìla gè wùlè gó kpea, ò à gè ní io.

6 Gobɔnaɔ gbězɔɔ gè aà lè à mè: Bó i níle o màai? Fèlè wiile n diiwa, wíliɔ dɔo tó a wá wegwa wà bɔ kaale lézì.

7 Ǿ aa òkɔe: A mɔ wà líkpa wà e dɔ gbé pɔ gèwázi ní kisiaeɔ. Ké aa likpà, ò à Yonasi sè.

8 Aa aà là aa mè: Owěe, gbé pɔ ní de a ũ, n gbé pɔ n gèwázi ní kisiae taao. Zì kpele ni kei? N bɔ má ní? Bùsu kpele gbén n ũi? Bui kpelen n ũi?

9 A wèmá à mè: Ebelun ma ũ. Dii Lua Musude pɔ ísia ní tɔlɔe kè ò mi sísi.

10 Ǿ vía gbépiɔ kù, an nisína vù, aa òè: Bó yá ní kè màai? Gbépiɔ dè ké àlè bàale Diiεε, ké a òné beewa yáí.

11 I wetà ní ní zuzuao, ò aa aà là aa mè: Kpelewa wá ké ísia busawěei?

12 A òné: A ma se à ma zu ísiau, i busaé, asa má dè máme ma gèázi ní zàa'ían gbãae beeo.

13 Aa nà gólíawa ké aa e bua, ãma aai fɔo, asa í wetà ní ní zuzuaoe.

14 Ǿ aa wiilè Diiwa aa mè: N yá na Dii! Nsu wá kaale gbéε bee wēnibɔa yáio. Dii, ísu wá dile tàaedɔ ũ aà dea yá musuo, asa n n pɔeã dàwěεε.

15 Aa Yonasi se zù ísiau, ò ípi pãsí kpàlè.

16 Dii gbãa yá gbépiɔ víakù maamaa, ò aa sa'òwà aa lèkèwà.

2

Yonasi wabikεa kpɔ gbεεu

¹ Dii tò kpò gbè̀ne mò Yonasi mò,* ò à kè kpɔpi gbεεu fáane àaõ gwãasín àaõ.

² Kua kpɔpi gbεεu Yonasi wabikè Dii a Luawa à mè:

³ Ma lezù Diizi ma yooyea guu,

ò a wèa,

kua bεda nɔnau ma wiilè,

ò à ma yãmà.

⁴ N ma zu ísia í títiu

e za a nɔnau,

ísõ dèdεa ní ikooaɔ,

n idãazìb tãa'ò ma mia.

⁵ Ma mè ma yá kú n sũu bo,

kási má εa wesi n kpé pò a kua adoale.

⁶ I ma kũ ma nɔε,

ísi ma mɔ,

wáa fía ma mii.

⁷ Ma kpale e gbè̀sísìb zínau,

dúnia zé pò wεa vío tàmale.

Ɔ n ma bɔ gbáou,

n ma mìsi, Dii ma Lua.

⁸ Ké má ye ánuatoi,

Dii, n yá dòmagu,

ò ma wabikèma,

à n le za n kpé pò a kua adoau.

⁹ Gbè̀ pò lé tãa gbagbaɔ aa ke báaa vío,

¹⁰ ãma mapi, má sa'oma ní sáaukpaaɔ,

má lé pò má kèma fiabo.

Dii mé ì ní suaba.

* **2:1** Mat 12.40

11 Dii yá'ò kpɔpiɛ, ɔ à Yonasi pìsi sìsìá.

3

Yonasi gɛa Niniva

¹ Dii yá gɛn plaade oa Yonasiɛ guu Dii mɛ:

² Fɛlɛ gé mɛɛwia zɔɔ Niniva, ní yá pɔ má ònɛ kpàwakɛu.

³ ɔ Yonasi fɛlɛ gɛ̀ Niniva lá Dii òɛwa. Niniva sɔ mɛɛwia zɔɔɛ maamaa. Pãa wɛ́lɛpia kà tá gɔɔ àaɔ ũ.

⁴ A gɛ̀ wɛ́lɛpiu à táa'ò gɔɔ do, ɔ à nà kpàwakɛawa à mɛ: Gɔɔ bla mé gò ké Lua Niniva dúuzɔ.

⁵ Ninivadeɔ Lua yá sì, ɔ aa lɛye kpàwakè aa zwànkasaɔ kàkàríla, nɛ́fɛ̀nɛ̀n gbɛ̀zɔɔ.*

⁶ Ké a bao Niniva kía lè, à fɛ̀lɛ a gínaa à a gomusu wòlo zù, à zwànkasa kàkaala à zòlɛ túfuu.

⁷ A mɛ̀ wà kpàwake a wɛ́lɛu wà mɛ: Lá kí ní a iwao òlɛn kɛ: Gbɛ̀nazinaɔ ní pɔtuɔɔ píi, blɛ su gɛ̀ ní léuo, aasu imio.

⁸ Gbɛ̀nazinaɔ ní pɔtuɔɔ aa zwànkasa kàkàríla nípii, aaɔ wiile Luawa aaɔ zɛaàla. Baade bɔ a zé vãiu, i ɔbɔlɛ yãpãsiu.

⁹ Déme ìɔ dɔ́ tó a wá wɛ̀nagwa à a nòsɛ suumpa, aà kyàwãa lãa, wí bɔ kaalɛui?

¹⁰ Ké Lua ní yãkea è, lá aa bò ní zé vãiu, à ní wɛ̀nagwà, i to músi pɔ a òlɛ à kpánzi ní le ɔo.

4

Dii gbɛ́ɔ wɛ̀nagwaa dadaa Yonasiɛ

¹ Yápi kè Yonasiɛ íi maamaa, ɔ aà pɔ pà.

* 3:5 Mat 12.41, Luk 11.30, 32

² A wabikè Diiwa à mè: N yá na Dii! Mi yápi o za ma bùsuuo lé? Bee yáí ma dɔaa bàalè mále tá Taasisiɛ fá! Asa má dɔ́ ké ní sùuu ní sósobio ví. N pɔ lí pa kpaaɔ, ní gbɛ́kɛ ví zɔɔ, ni íadama bɔ n nòsɛɛ.*

³ Tiasa Dii, ma sé, asa ma ga sɪ ma kuawa.†

⁴ Dii òè: A maa n pɔ pàè?

⁵ Yonasi bɔ wéleu, à zòle a gukpe oi. A yāyāasu dɔ we, a ku a guu, àle gwa yá pɔ a wélepi le.

⁶ ɔ Dii tò ladaadaa fɛle uedà Yonasia, ké aà taasi e lao. Ladaadaapi yá Yonasi pɔ kèna maamaa.

⁷ Ké gu dɔ, ɔ Lua tò kɔɔ mò ladaadaapi zò, ɔ à giigàga.

⁸ Ké íatɛ gbāakù, Lua bɔ ní ían wāao gukpe, ɔ íatɛ lé aà le a miwa. Aà yèèè làa, ɔ à ga nidè à mè: Ma ga sɪ ma kuawa.

⁹ ɔ Lua òè: N pɔpaa ladaadaa bee yá musu zɛvíe? ɔ à mè: A zé ví, ma pɔpaa kà à ga imɛɛ.

¹⁰ ɔ Dii òè: Ladaadaa pɔ ni a taasikɛo, míme ní tò à bòle à gbào, ɔ n wɛnakèè. A fɛle gwāasɪn doɛ, ɔ à míde gwāasɪn do.

¹¹ Mapi sɔ, a maa mà wɛnadɔ mɛɛwia zɔɔ Ninivaɛo lé? An gbé pɔ aa ɔplaa dɔ́kɔɛ ní zɛɛoɔɔ dasi de ɔaasɔɔɔ leɛ basooloa (120.000), mé an pɔtuoo kè zài.

* 4:2 Bɔa 34.6 † 4:3 1Kia 19.4

Bibeli Luayátaalá
The Holy Bible in the Boko language spoken in Benin
and Nigeria

copyright © 2010 SIM International

Language: Boko

Translation by: SIM International

Boko Bibeli Luayátaala

This translation, published by the SIM au Benin, was published in 2010.

If you are interested in obtaining a printed copy, please contact the SIM at ECWA/SIM H.Q., P.M.B. 2009, Jos, Plateau State, NIGERIA.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-25

PDF generated using Haiola and XeLaTeX on 18 Apr 2025 from source files dated 29 Jan 2022

ffb0f4b3-18b7-564f-bd5d-307e9e532fb9